

瓊山縣志卷之九

經政志十一 祀典

宋

元豐五年詔封峻靈山神為峻靈王

蘇軾峻靈王廟記

元豐中詔封漢伏波將軍為忠顯王

蘇軾伏波廟記

宣和中詔封邳離路侯忠烈王封新息馬侯佑順

王

李綱威武廟記

明

洪武二年禮官言城隍之祀莫詳其始考張說祭

荊州城隍文曰城隍是保毗庶是依則前代崇

祀之意有在也今宜附祭於嶽瀆諸神之壇乃

瓊山縣志 卷九

經政十一

祀典

一

命加以封爵府為鑒察司民城隍威靈公秩二

品州為鑒察司民城隍靈佑侯秩三品縣為鑒

察司民城隍顯佑伯秩四品冕旒衮章制各有

差命詞臣撰敕文頒之三年詔去封號止稱某

府州縣城隍之神嘉靖九年罷山川從祀歲以

仲秋祭旗纛日並祭都城隍之神凡聖誕節及

五月十一日神誕皆遣太常寺堂官行禮國有

大災則告廟在王國者王親祭之在各府州縣

者守令王之

阮通志

清

雍正六年奏准致祭

關帝神三代前後殿春秋二祭并五月十三誕日致祭品物銀一十五兩乾隆四年奉行照江西省

例添銀二十五兩備冊

十三年奉行藉田收穫恭祀

先農神品物又粢盛穀肆斗耕種穀一石

嘉慶六年奉行致祭

文昌帝君春秋二祭品物銀二十六兩六錢六分七厘

俱同上

社稷壇

祭品

帛一黑

豕一

羊一

釧二

簠簋各二

瓊山縣志 卷九

經政十一

祀典

二

籩豆各四 白磁爵三

祝文

各壇廟秋祀春秋二祭祝文俱奉禮部頒行各省府州縣遵用

維

神奠安九土粒食萬邦分五色以表封圻育三農

而蕃稼穡恭承守土肅展明禋時屆仲春敬修

祀典庶丸丸松柏鞏磐石於無疆翼翼黍苗佐

神倉於不匱尚 饗

祭儀

會典載社稷壇為大祀歲以春秋仲月上戊日

出至於壇而祀之各州縣祭祀有府道同城者

府道主祭無則以牧令主之同城武職皆得陪

祭先期齋戒祭之日各官朝服禮生引主祭官
至拜位通贊執事者各司其事陪祭官各就位
主祭官就位通贊瘞毛血禮生引詣盥洗所盥
洗畢引詣香案前贊迎神行三跪九叩首禮興
行初獻禮引詣

神位前跪奠帛獻爵叩首興詣讀祝位跪衆官皆
跪宣祝文畢叩首興復位贊行亞獻禮引詣

神位前跪獻爵叩首興復位通贊行終獻禮如亞
獻儀贊受福酢引詣受福酢位跪飲福酒受福
酢叩首興謝酢一跪三叩首興復位贊徹饌送
神行三跪九叩首禮興贊司祝者捧祝司帛者

瓊山縣志

卷九

經政十一

祀典

三

捧帛各詣燎所引詣望燎位焚燎畢揖復位贊
禮畢肅退

風雲雷雨山川壇 城隍合祀

祭品與社稷壇同

祝文

維

神贊襄天澤福佑蒼黎佐靈化以流形生成永賴
乘氣機而鼓盪溫肅攸宜磅礴高深長保安貞
之吉憑依鞏固實資捍禦之功幸民俗之殷盈
仰神明之庇護恭修歲祀正脩良辰敬潔豆羞
祗陳牲帛尚饗

會典載風雲雷雨山川城隍俱為中祀春秋二
祭日期由 部頒行合祀一壇祭之日出至於
壇上風雲雷雨位居中帛四山川位居左帛二
城隍位居右帛一皆白色祭儀與社稷壇同
神祇常雩壇

祭品與山川同

祝文

恭膺

詔命撫育羣黎仰體

彤廷保赤之誠勤農勸稼俯維蒞屋資生之本力穡服

田甲令爰頒肅舉祈年之典寅衷將事用申守

瓊山縣志

卷九

經政十一

祀典

四

土之忱黍稷惟馨尙冀明昭之受賜來牟率育
庶俾豐裕於蓋藏尙 饗

會典載神祇常雩壇俱為中祀歲以春秋仲月
祀神祇壇孟夏祀常雩壇祭儀與山川同

先農壇

先農神位高二尺四寸廣六寸座高五寸廣九寸
五分赤地金字

藉田四畝九分在東郊外

祭品

帛一

色白

羊一

豕一

釧一

簠簋各四

籩豆各四

祝文

維

神肇興稼穡粒我蒸民頌思文之德克配彼天念
率育之功陳常時夏茲當東作咸服先疇欽惟
九五之尊歲舉

三推之典恭膺守土敢忘勞民謹奉儀章聿修祀事惟
願五風十雨嘉祥恒沐於

神麻庶幾九穗雙岐上瑞頻書於大有尙 饗

會典載先農壇為中祀歲以仲春亥日致祭儀
與社稷壇同祭畢主祭陪祭各官更蟒衣詣耕
出行耕藉禮主祭官秉耒耜以佐貳屬官一人

瓊山縣志

卷九

經政十一

祀典

五

捧青箱一人播種衆官俱右手扶犁左手執鞭
各行九推九返畢農夫終畝各官詣官廳更朝
服望

闕叩賀行三跪九叩首禮畢各退

耕藉出器

農具一

赤

牛一

籽種箱一

青

耕藉人役

耆老一名

牽

農夫二名

扶

童子六名

唱田歌

厲壇

會典載厲壇為羣祀歲以清明日七月望日十
月朔日凡三祭先請城隍神為之主乃召無祀

鬼神祀之祭品用羊三豕三米三石香燭酒紙
隨用有司行一跪三叩禮道光十四年科道奏
准節省經費案內裁革厲壇祀典各府州縣應
支祭品銀兩扣解司庫

告城隍廟祝文

欽奉

皇帝聖旨普天之下率土之上無不有人無不有鬼人
鬼之道幽明雖殊其理則一今國家治民事神
已有定例尙念冥冥之中無祀鬼神昔有生民
未知何故而沒其間有遭兵刃而橫傷者有死
於水火盜賊者有被人強奪妻妾而忿死者有

瓊山縣志

卷九

經政十一

祀典

六

被人掠取財物而逼死者有誤遭刑罰而屈死
者有天災流行而疫死者有爲猛虎毒蟲所害
者有饑寒交迫而死者有因戰鬪而殞身者有
囚危急而自縊者有因牆屋傾頽而壓死者有
死後而無子孫者此等鬼神或終於前代或沒
於近世或兵戈擾攘流移於他鄉或人烟斷絕
久缺其祭祀姓名泯沒於一時祀典無聞而不
載此等孤魂死無所依精魂未散結爲陰靈或
倚草附木或爲妖作怪悲號於星月之下呻吟
於風雨之中凡遇人間令節魂杳杳以無歸意
懸懸而望祭興言及此憐其慘悽故救天下有

司依期致祭命本處城隍以至此祭鎮按壇場
鑒察諸神等類其中有為良善誤遭刑禍死於
無辜者神當達於所司使之還生中國永享太
平之福如有素為兇頑身逃刑憲雖獲善終亦
出僥倖者神當達於所司屏諸四夷善惡昭報
神必無私除欽奉外合就牒移城隍獄神弔出
獄幽以享祭典久遠遵行

武廟

帛一色白牛一 豕一 羊一 邊十 豆十
尊一

五月十三日祭品

後殿不用
牛餘同

瓊山縣志 卷九

經政十一

祀典

七

帛一色白牛一 豕一 羊一 酒一尊 果五

盤

祝文

維

神浩氣凌霄丹心貫日扶正統而彰信義威振九
州完大節以篤忠貞名高三國神明如在徧祠
宇於寰區靈應丕昭薦馨香於歷代屢徵異蹟
顯佑羣生恭值嘉辰遵行祀典筵陳豆几奠
牲醪尙 饗

祭儀

會典載武廟為羣祀每歲春秋仲月上戊日及

五月十三日凡三致祭祭之日贊引官引承祭官進廟左旁門贊詣盥洗所盥洗畢引至殿內典儀唱執事者各司其事贊引官贊就位引承祭官就拜位立典儀唱迎神司香官捧香盒就香爐左立贊引官引承祭官就香爐前立司香官跪贊上香承祭官立接炷香拱舉插爐內又上塊香三次畢贊復位承祭官復拜位立贊跪叩興承祭官行三跪九叩首禮典儀唱奠帛爵行初獻禮捧帛爵官捧帛爵

神位前奠帛官跪獻畢行三叩首禮退執爵官立獻畢退讀祝官詣安祝文案前行一跪三叩首禮捧起祝文立贊引官贊跪承祭官讀祝官俱跪贊讀祝讀畢捧祝版至

神位前跪盛帛盒內行三叩首禮退贊引官贊叩興承祭官行三叩首禮典儀唱行亞獻禮執爵官獻爵於案左畢退餘與初獻同典儀唱行三獻禮執爵官獻爵於案右餘與亞獻同典儀唱徹饌送神贊引官贊跪叩興承祭官行三跪九叩首禮典儀唱捧祝帛香饌詣燎位捧祝帛香饌官各至

神位前俱跪捧祝帛官行三叩首禮捧香饌官不叩首依序捧送至燎位承祭官退至西房立候

捧祝帛過畢復位贊引官贊請望燎位引承祭
官至燎位前望焚燎訖揖贊引官贊禮畢退

後殿祭品

案

每位各帛一白豕一 羊一 籩豆各八

祝文

維

公世澤貽庥靈源積慶德能昌後篤生神武之英
善則歸親宜享尊崇之報列上公之封爵錫命
優隆稽三代以肇禮典章明備恭逢諏吉祇事
薦馨尙饗

祭儀

瓊山縣志

卷九

經政十一 祀典

九

每歲春夏秋三祭武廟同日王祭官詣後殿致
祭

光昭公

裕昌公

成忠公各位前奉香行一跪六叩首禮餘與前殿

禮同

文昌廟

春秋祭品

帛一白牛一 羊一 豕一 登一 釧一

籩十 豆十

祝文

維

神績著西垣樞環北極六筐麗曜協昌運之光華
累代垂靈爲人文之主宰扶正以彰夫感召薦
馨宜致其尊崇茲屆仲春用昭時祭尙其歆格
鑒此精虔尙 饗

祭儀

會典載文昌廟爲羣祀歲以二月初三日八月
十八日致祭主祭官行三獻禮俱三跪九叩首
餘儀與武廟同

後殿祭品

帛一白 邊八 豆八

瓊山縣志 卷九

祝文

祭引先河之義禮崇反本之思矧夫世德彌崇
延賞斯及祥鍾累代炯列宿之精靈化被千秋
緯人文之主宰是尊後殿用答前麻茲值仲春
肅將時事用申告潔

神其格歆尙 饗

祭儀

每歲春秋同日致祭餘儀與武廟後殿同
以上各壇廟祭品俱支均平銀兩備辦支銷

天后宮

每歲以春秋仲月上癸日有司致祭儀與文昌

廟同祭品山知府捐廉備辦

祝文

維

后配天立極護國徵祥河清海晏物阜民康保安
斯土福庇無疆千秋鞏固萬載靈長神恩思報
聖澤難忘虔修祀事恭薦馨香土民一德俎豆
同堂仰惟昭格鑒此蒸嘗尙 饗

旗纛廟

各府州縣舊有專廟今俱廢歲以霜降日出各
標營將領備辦祭品設神位祀於演武亭中並
無部頒祝文

瓊山縣志

卷九

經政十一

祀典

十一

祭品

帛一 羊一 豕一

風神廟

每歲春秋仲月上己日致祭

祝文

維

神發育萬物嘘拂羣倫順物布氣長養生成跡消
山殫浪息海鯨祥和調暢異體清明式隆祀典
肇舉明禋陳牲獻爵來格來歆尙 饗

龍王廟

每歲春秋仲月上辰日致祭

祝文

維

神德洋洋寰海澤潤蒼生允襄水土之平經流順軌
廣濟泉源之用膏雨及時績奏安瀾占大川之
利涉功資育物欣庶類之蕃昌仰藉 神庥宜
隆報享謹遵祀典式協良辰敬布几筵肅陳牲
幣尙 饗

火神廟

每歲春秋仲月上丙日致祭

賢良祠

每歲春秋仲月致祭

瓊山縣志

卷九

經政十一

祀典

十二

祝文

維

靈文武憲邦公忠體國當

皇朝之肇造心膂攸同值

列聖之不承股肱作輔明良合德奮庸而庶績咸熙
中外宣猷敷澤而兆民永賴洵屬廟廊之碩望
允宜俎豆以明禮考績紀勲崇報昭垂於令典
陳牲奠幣馨香祇薦於歲時尙 饗

昭忠祠

每歲春秋仲月地方文武擇吉請祠行禮並無
部頒祝文兩祭其支祭品銀六兩三錢一分在

司庫建贖項內支領

以上各祠廟會典俱列入羣祀祭品銀兩係在均平項內支銷

漢兩伏波祠

呂祖祠

蘇文忠公祠

邱文莊公祠

海忠介公祠

十賢祠

梁忠烈公祠

江張二公祠

瓊山縣志卷九

以上各祠每歲春秋由地方官捐俸致祭

北帝廟

晏王廟

馬王廟

華光廟

潘天仙廟即東湖神君廟

靈山六神廟

三江廟

毘耶山神壇

澹菴祠

峻靈王廟

以上各祠廟每歲遇神誕期地方官捐廉致祭
不支經費各神事蹟封號已詳壇廟門

瓊山縣志

卷九

經政十一

祀典

十四

春秋丁祭

大清會典載文廟爲中祀每歲春秋仲月上丁日致祭先一日主祭官率陪祭各官齊赴

文廟階下行一跪三叩禮教官省牲滌器瘞毛血至期黎明凡與祭各官朝服齊集入兩旁廟門序立贊引官導主祭官至盥洗所盥洗畢引至臺階下立典儀唱樂舞生就位執事官各司其事陪祭官分獻官各就位贊引官贊就位主祭官就拜位立分獻各官隨後立典儀唱迎神舉迎神樂樂作奏咸平之章贊引官贊跪叩興主祭

瓊山縣志

卷九

經政十二

釋奠

十五

官及陪祭分獻各官俱行三跪九叩首禮興樂止典儀唱奠帛行初獻禮舉初獻樂樂作奏寧平之章贊引官贊陞壇導承祭官由東階上進殿左門贊詣

至聖先師孔子位前主祭官至案前立贊跪叩興主祭官行一跪一叩首禮興贊引官贊奠帛捧帛官捧帛跪進主祭官舉帛拱立獻畢贊引官贊獻爵執爵官捧爵跪進主祭官接爵拱立獻畢行一跪一叩首禮興贊引官贊詣讀祝位主祭官詣讀祝位立讀祝官至祝案前一跪三叩首捧祝版立於案左樂止贊引官贊跪主祭各官讀

祝官俱跪贊引官贊讀祝讀祝官跪案前宣祝
文畢捧祝版至

正位前案上跪安帛匝內三叩首退樂作贊引官贊
叩興王祭各官行三叩首禮興贊引官贊詣

復聖顏子位前王祭官就案前立贊跪叩興承祭官
一跪一叩首興贊奠帛捧帛官跪進於案左王
祭官接帛拱獻案上贊獻爵執爵官跪進於案
左王祭官接爵拱獻案上贊跪叩興王祭官行
一跪一叩首禮興贊引官贊詣

宗聖曾子位前次詣

述聖子思子

瓊山縣志

卷九

經政十二

釋奠

十六

亞聖孟子位前均如前儀東西哲及兩廡位贊引官
引分獻各官分詣行禮亦如前儀禮畢贊引官
贊復位王祭分獻各官各復位立樂止典儀官
唱行亞獻禮舉亞獻樂樂作奏安平之章贊引
官贊陞壇獻爵於左如初獻儀贊引官贊復位
王祭分獻各官各復位立樂止典儀唱行終獻
禮舉終獻樂樂作奏景平之章贊引官贊陞壇
獻爵於右如亞獻儀贊引官贊復位王祭分獻
各官各復位樂止典儀唱飲福受胙贊引官贊
詣受福胙位王祭官至殿內立捧福胙官二員
捧至

正位案前拱舉至飲福胙位右旁跪接福胙官二員
在左旁跪贊引官贊跪王祭官跪贊飲福酒王
祭官受爵拱舉授接胙官贊叩興王祭官三叩
首興贊復位王祭官復位立行謝福胙禮贊引
官贊跪叩興王祭分獻陪祭各官俱行三跪九
叩首禮興典儀唱徹饌舉徹饌樂樂作奏咸平
之章徹訖樂止典儀唱送神舉送神樂樂作奏
咸平之章贊引官贊跪叩興王祭各官皆行三
跪九叩首禮興樂止典儀唱捧祝帛饌各詣燎
位捧祝官捧帛官至各位前一跪三叩首興捧
祝文在前捧帛次之捧饌官跪不叩首捧饌隨
後俱送至燎位王祭官退至西旁立候祝帛饌
過仍復位立典儀唱望燎舉望燎樂興送樂作
神同贊引官贊詣望燎位導王祭官至燎位立祝祝
帛焚訖樂止贊引官贊禮畢各退

祝文

維

先師德隆千聖道冠百王揭日月以常行自生民所未
有屬文教昌明之會正禮和樂節之時辟雍鐘
鼓咸恪薦於馨香泮水膠庠益致嚴於籩豆茲
當春秋仲祗率彝章肅展微忱聿陳祀典以

復聖顏子

瓊山縣志

卷九

經政十二

釋奠

十七

宗聖曾子

述聖子思子

亞聖孟子配尚饗

祭器 按祭器並所感品物遵依古制皆有一定

鹿以羊代榛栗以所產果品代今仍之

爵 以銅為之形似雀兩柱三足連柱高八寸三分深三寸三分口長六寸二分濶二寸九分

雲雷尊 範銅為之紐以螭首兩旁有耳畫雲雷於腹雷取其奮豫雲取其濡澤用貯初獻酒

象尊 範銅為之畫象於尊腹用貯亞獻酒

犧尊 範銅為之畫牛於尊腹用貯終獻酒

壘 以瓦為之於酒器中所容最多用以佐尊

龍勺 以木為之首刻作龍形

瓊山縣志 卷九

登 用範銅為之

銅 範銅為之三足口有兩耳覆以蓋用感和美

簋 古用竹器今範銅為之外圓內方上覆以蓋高七寸深二寸濶八寸一分腹內方一尺一寸用感黍稷

簋 古用竹器今範銅為之外方內圓上覆以蓋高六寸七分深二寸八分濶五寸腹圓徑長七寸九分用感稻粱

籩 古今皆竹製口圓徑長四寸九分深一寸四分通足高五寸九分足徑濶五寸一分以薦果實形鹽修脯之類

豆 或以玉或以木或以瓦呂氏考古圖說及政和書製以銅今多以木其式如籩以薦菹醢

俎 明堂位曰周以房俎房謂足不拊也孔疏云俎豆各有兩足足下各別為拊其間有橫似堂壁

橫下二拊似堂東西各有一房也以載牲體

各有一房也以載牲體

各有一房也以載牲體

各有一房也以載牲體

筐以竹為之今川

祝板以木為之

帛皆白色正位用綾餘俱

齋戒牌以木為之

盥洗盆以錫為之

滌祭器盆以木為之

樂器

楹鼓一以方柱貫鼓腰樹於東方上高二尺方蓋

鳳如來儀之象擊以立號祭日發頭鼓齊集人

眾二鼓查點執事三鼓排列班次就位每次擊

三十一擊至作樂每句擊三下以導樂焉

瓊山縣志 卷九

經政十二 釋奠 九

搏拊二手四指擊應之曰搏拊

應鼓一以架懸之楹鼓一聲此亦一聲以和

編鐘一十六個共為一架以銅之輕重別音之清濁樂之發音準諸此即金以聲之始眾音

之條

編磬一十六枚共為一架以石之厚薄分音之清濁樂之收音準諸此即石以振之終眾音

之條

琴六面有十三徽七絃彈法必七音備而後樂和

指勾五線食指挑七線撮起如一聲為六字如

是挨次而彈如撮四六兩線為工字撮二五兩

線為尺字撮二四兩線為上字用左手大指按

三線於九徽用右手中指勾一線食指挑三線

撮起如一聲為合字如是按四撮二為四字七音並用按撮相符而琴之音和矣

瑟四之面有二十五絃第十三絃居中為內外清中

則清後其柱則濁上下以笙和其音外一線為黃鐘律用右手食指勾則合字應內一線為清黃律用左手食指勾則六字應外二線三線為太簇律用右手手中指食指撮起則四字應內二線三線為清太律用左手手中指食指撮起則五字應外四線五兩線為姑洗律用右手手中指食指撮起則六字應外六線為仲呂律用右手食指勾則上字應內左手同法外七線八線為林鐘律用右手手中食兩指撮起則尺字應內左手同法外九十兩線為南呂律用右手手中食兩指撮起則工字應內左手同法外十一十二兩線為應鐘律用右手手中食兩指撮起則凡字應內左手同法斯內外各線俱有專屬音律克諧無相奪倫也

洞簫六

紫竹為之吹法自下而上以漸而清象一為合字重吹為六字放尾一孔為四字仰而重吹為五字放二孔為一字放三孔為上字放四孔為尺字放五孔為工字放後孔為凡字凡和琴瑟點笙簧全賴此器定黃鐘之聲如教坊俗樂所用不合尺寸是鄭衛淫聲未可以諧雅樂也其嚴辨之

瓊山縣志 卷九

經政十二 釋奠 二十

龍笛六

橫而吹之首刻作龍形推法亦如洞簫此元音不易之律呂也

鳳簫二

截竹為之每十六枝為一排長短各按清間分寸潛通縱橫左右並協陰陽五行之本五聲六律十二管之宗

篪二

以竹為之前四孔後一孔底一孔面一吹孔鄭司農云七孔是也吹法六孔皆閉為合字開底一孔為四字開下一孔為一字開下二孔為上字開下三孔為尺字開下四孔為工字開後五孔為六字刻本多以合六同

笙六

每把十七枝首尾二枝不用二六十四三枝為上字四八十一三枝為四字三七十一三枝為工字十二十五二枝為尺字二十三十四三枝為大字二十四二枝為合字吹法如簫笛填篪必開竅吹之而成音笙必按竅吹之而音出蓋笙有簧按竅則簧動而聲發是謂吹

簧也

埙二

以綿紙和黃土為之晒乾用硃漆實灰磨光上描金雲龍前三孔後二孔吹法以左右手

大指按後二孔以左手食中二指按前上下二孔以右手食指按前上一孔左右無名指托其底五孔並開平氣俯唇輕吹為合字微節而吹為四字開右手前一孔餘皆閉為上字開左手前上下二孔餘皆閉為尺字開前三孔餘皆閉為工字五孔皆開為六字此器極難取音急不鳴緩不洪仰口蹙唇徐嘯有力方得正聲是在審音者裁制耳

祝

祝一祝之器方二尺四寸深一尺八寸陰始於二四終於八十陰數四八而以陽一三之所以作樂則於眾樂先之而已非能成之也居宮懸之東象春物之成始也鼓祝謂之止古聖人恐樂勝則流戒之於蚤也

敵

敵一形如伏虎西方之陰物也背有二十七齧齧陽數成之控以室然後可擊及其止則於實也居宮懸之西象秋物之成終也鼓敵以蠶欲修潔於其後也

瓊府瓊山萬州感恩四學祭器樂器久缺乾隆

瓊山縣志 卷九

經政十二 釋奠 二十七

八年赴省請領製造既畢以海船載還至大洋颶風舟覆器皆沉失經各學通報在案二十九

存學

樂章 乾隆八年奉 禮部頒行各省遵用

歌用侑生六人各執笏板立於堂上並歌蓋歌為樂中之主八音皆所以和歌也歌音合律則鐘磬琴瑟簫笛之聲吹彈清濁高下之節皆準此而協矣凡樂作用麾幡二一繪升龍以起樂一繪降龍以止樂每章麾侑生唱樂奏其平之章六字樂奏二字唱欲勃然而起其平之章四字分排唱下欲

春容和雅不得急促暴戾每歌一章聽標故畢唱
樂止二字其聲欲颯然而清

迎神奏咸平之章 無舞

大春尺哉一尺

孔上六子尺五先尺六覺尺上先尺五知尺六與尺一天尺六地尺上參尺五萬

六尺世尺上之尺五師尺五祥尺五徵尺上麟尺一紘尺六韻尺一答尺上

金尺六絲尺上日尺一月尺六旣尺六揭尺五乾尺一坤尺上清尺一夷

六尺

初獻奏寧平之章 有舞

予尺六懷尺一明尺六德尺五玉尺上振尺一金尺六聲尺上生尺六民

一尺末尺上有尺五展尺一也尺六大尺五成尺上俎尺五豆尺上干尺六

瓊山縣志 卷九

古尺五春尺六秋尺六上尺五丁尺六清尺六酒尺上旣尺一載尺六其

一尺香尺上始尺一升尺六

亞獻奏安平之章 有舞

式尺六禮尺一莫尺六愆尺五升尺上堂尺五再尺一獻尺六饗尺上協

尺五鼓尺一鏞尺六誠尺五孚尺上壘尺五龐尺六肅尺五肅尺五雍尺六

雍尺六譽尺一髦尺六斯尺上彥尺六禮尺上陶尺五樂尺一淑尺六相

尺五觀尺上而尺一善尺六

終獻奏景平之章 有舞

自尺上古尺一在尺五昔尺六先尺上民尺五有尺一作尺六皮尺五弁

尺上祭尺一菜尺六於尺上論尺五思尺六樂尺一惟尺五天尺上牖尺六

民尺五惟尺一聖尺上時尺一若尺六夔尺五倫尺五攸尺上敘尺六至

經政十二 釋奠 三

上今尺五木一尺鐸六尺

徹饌奏咸平之章 無舞

先尺師一尺有上六言尺五祭尺則上尺受尺福尺五尺四尺一尺海尺六尺賢

尺五宮尺上疇一尺敢上六不一尺肅尺六禮尺五成尺上告尺六徹尺五

母一尺疏上六母一尺瀆尺樂尺五所尺上自一尺生尺六中尺五原

上大有尺菽尺六

送神奏咸平之章 望燎同 無舞

息尺六釋一尺我上六我尺五洙尺上泗尺六洋一尺洋上六景尺上行

尺五行尺五止尺六流一尺澤上六無尺五疆上六聿尺五昭尺上祀尺一

事尺六祀尺六事尺上孔一尺明上六化尺六我尺五蒸尺六民尺上育

一尺我上六膠一尺庠上尺

瓊山縣志 卷九

舞節

經政十二 釋奠 三

乾隆五年令郡縣選樂舞生一百二十八名延師教習以備合樂之用七年令丁祭樂舞生准用生員藍衫雀頂舞用六份份生三十六人左右各十人左手執籥右手秉翟

舞部用麾二朱竿龍首啣五色線九旂舞長執之以導舞為綴兆疾徐行立進止之則首迎神末徹饌送神不用舞惟初獻亞獻終獻三章隨歌聲逐字而舞其行立拜跪辭受取與左縈右拂進退朝揖俱欲肅雍儼恪動容周旋無不中禮焉

初獻

瓊山縣志卷九

經政十二 釋奠

二五

予開筵筵向上起右手於肩垂左手於懷開筵筵

左手於肩垂右手於下曉明合筵向上移右德轉

右足向前踏向裏開筵舞足過左邊交立曲足

向東開筵起左手於肩垂右手於膝躡身上曲足

更加右足虛其跟足尖着地起躡身向外高舉筵

而玉合筵向內拱手出左足振合筵轉身向外拱

朝玉兩兩相對躡東西相向振手出右足正揖稍

舞金合筵躬身向聲合筵轉身向東躬身拱手

開筵向上起右手於肩垂左手於下出民開筵向

左足兩兩相對自下而上東西相向出民開筵向

手於肩垂右手於下出未合筵轉身向東踏右足

右足稍前舞舉筵垂翟惟兩中班十二人轉身

俱東有合筵以左手平肩右手平胸斜身向上偏

西合筵向上過右足於左也合筵向上過左足於

展合筵稍前向外垂手舞也合筵向上過左足於

大合筵向上躬身揖向前成合筵向上拱手平身

身向外進步雙手合筵成立回身再謙退步側

正朝上進於下躡左足向前正躡朝上手豆開筵

起左手於肩垂右手於下曉右足向前稍干當胸

舞躬身拱手側身向外呈筵耳邊面朝上干當胸

於右正揖古身拱手立於中起躡身挽手復舉筵

立春合筵踏右足轉身向上兩兩秋合筵踏右足

上合筵低頭向東揖向外勢立秋合筵轉身上平

清合筵向上過右足酒合筵向上過左足於既合

低頭揖向上左右垂手兩班載開筵向上起右手

上下俱雙垂手東西相向載於肩垂左手於膝

其跟足尖着地其手垂揖踏之於後香頭揖於

左右手垂揖踏之於後右始合筵轉身向東升

側身垂手向裏垂手舞始拱手躡右足尖升

復身向上拱手躡而受之三鼓畢起

亞獻

式開筵向上起左手於肩垂右手於下豐開筵向

式躡右足向前左足進步向外垂手舞禮上起右

瓊山縣志

卷九

經政十二

釋奠

三五

手於肩垂左手於下 蹠左 莫 合簋向上過左足於
 是向前右向裏垂手舞 莫 右交立向外落簋面
 朝 愆 開簋向上起右手於肩垂左手於下躡身曲
 上 合簋右足左足虛其跟足尖着地退身正立
 升 左隨躡右足尖向裏舞 獻 垂左手於下躡身曲右足
 向上躬身復揖於左 堂 於右隨躡左足尖再 合
 隨 躡右足尖向裏舞 獻 垂左手於下躡身曲右足
 虛其跟足尖着地合手 謙 響 合簋拱手向西出右
 進步向前雙手合簋再 謙 響 合簋拱手向西出右
 上 雙班相對 協 合簋轉上拱手向東出左足上下
 舉 簋東西立 協 俱垂手惟兩中班上十二人俱
 垂手躡身 鼓 合簋翟向東西過右足於左 鏞 合翟向
 東西相向 鼓 交立轉身東西相向立 鏞 東徹左
 足虛右足跟斜拱於上相 成 開簋向上起左手於
 向立兩班上下以翟相 簋 成 開簋向上起右手於下躡右
 足向前稍前舞 兩 孚 開翟向上起右手於下躡右
 班 上下俱手向外舞 孚 左手於下躡左足向前回
 裏 垂 鬯 合簋踏右足轉身合手 駝 合簋向東拱手
 手舞 鬯 謙 進步向前雙手合手 駝 合簋向東拱手
 謙 兩班上下 肅 躬身向上開簋起手向外開簋舞 肅 躬
 東西相向 肅 右足尖稍前舞向外開簋舞 肅 躬

向上開簋雙手向左右 雍 合簋向上低揖雙手 雍 合
 蹠左足尖向裏舞 雍 平 執簋翟開簋翟 雍 合
 翟朝上 響 合簋向東拱 髦 合簋向西揖手出 斤 開
 正立 響 手出左足 髦 右足躬身正揖 其 簋
 向西起右手於肩垂左手於下躡身曲左 彥 開簋
 足虛其跟足尖着地雙手舉簋翟躬身 彥 轉身
 向東起左手於肩垂右手於下躡身 禮 合簋躬身
 曲右足虛其跟足尖着地躬受之 禮 向上揖於
 左三叩頭舉 陶 合簋躬身揖於 樂 復揖於左復舉
 右手叩頭 陶 右舉左手叩首 樂 復揖於左復舉
 左手 淑 合簋復手於中躬身拱手 相 開翟躬身右
 叩頭 淑 向上拜一鼓卑即起躬身 相 手起舞加額
 左手垂舞於後左足隨手出足尖 觀 手起舞加額
 着地三舞蹈舉簋向左右躬身舞 而 開翟躬身以右手
 右手隨舞於後右足隨手出 而 起舞加額左手舞
 足尖着地舉簋向左右躬身舞 而 起舞加額左手舞
 於後左足隨手出足尖着 善 合簋拱手下拜舉
 地舉簋復向左躬身舞 善 簋躬身而受之

終獻

白 向外開 古 向內開 在 側身向外落 昔 朝上先 兩
 簋舞 簋舞 簋面朝上 簋面朝上 正立 班

上下兩兩民合手朝有側身向作合籥朝皮向外
相對交籥上正躡籥內落籥籥上正立籥向外開籥論籥舞
舞向裏開祭上正立菜籥於籥舞籥向外開籥論籥舞
思進步向前雙樂回身東西惟籥舞籥向外開天向裏開
籥合籥朝民上正立惟手舞聖手舞垂時朝上
牖上正立民上正立惟手舞聖手舞垂時朝上
若躬身而奠躬身向左倫躬身向右攸躬身復左
受之籥合籥舞籥合籥舞籥合籥舞籥合籥舞
敘合籥朝上拜至側身向外今側身向裏木朝上
鐸躬身朝南受之
祭品

正殿陳設祭品 帛一白牛一羊一豕一登一劔二簋

二簋二籩十豆十罇一白磁爵三

四配陳設祭品 帛四白每位豕一羊一劔一簋二

瓊山縣志 卷九

經政十二 釋奠 三六

簋二籩八豆八罇一白磁爵三

東哲陳設祭品 帛一白豕一劔各一簋各一籥各

一籩各四豆各四豕首一白磁爵三西哲祭

東廡陳設祭品 帛二白豕二每案簋一籥一籩四

豆四銅爵各一西廡陳

崇聖祠祭品

正位陳設五案每位禮神制帛一白白磁爵三羊一

豕一劔二簋二籩二籩八豆八酒罇一

配位陳設兩位一案禮神制帛二白豕首一豕肉一

每位銅爵三簋一籥一籩四豆四酒罇一

兩廡陳設禮神制帛二白每位銅爵三簋一籥一籩

四豆四豕肉一酒罇一

崇聖祝文

維

王奕麟鍾祥光開聖緒盛德之後積久彌昌凡聖教所
覃敷悉循源而溯本宜肅明禋之典用申守土之
忱茲屆仲春秋聿修祀事配以

先賢顏氏

先賢曾氏

先賢孔氏

先賢孟孫氏尚饗

儀注同正殿惟不用樂章舞節

瓊山縣志

卷九

經政十二

釋奠

二十七

名宦鄉賢忠義孝弟節孝四祠俱以春秋丁祭日
遣分獻官詣各祠行禮祭品祭儀與兩廡同
名宦鄉賢祝文各學不同各自擬撰無定式

忠義孝弟祠祝文部

維 靈稟賦貞純躬行篤實忠誠奮發貫金石而

不渝義問宣昭表鄉閭而共式祇事懋彝倫之大

性摯莪蒿克恭念天顯之親情殷棣萼模楷咸推

夫懿德

綸恩特闡其幽光祠宇維隆歲時式祀用陳尊簋來格

几筵尚饗

節孝祠祝文部

順元年加封顏回爲充國復聖公曾參鄒國宗
聖公孔伋沂國述聖公孟軻鄒國亞聖公加程
顓豫國公程頤洛國公又加孔子父母封爵始
以董仲舒從祀 明洪武三年禮部更定釋奠
孔子祭器禮物正位犢一羊一豕一籩豆各十
登一罏一簋簋各二酒尊三爵三初孔子之祀
像設高座而器物陳於座下弗稱其儀其來已
久至是定擬各爲高案其籩豆簋簋悉代以甃
器詔孔子封爵仍舊每歲二丁遣官祭於國學
每月朔望遣內臣進香朔日則祭酒行釋菜禮
四年令進士釋褐詣國學行釋菜禮十五年詔

瓊山縣志

卷九

經政十二

釋道

三十

天下儒學通祀孔子頒釋奠禮二十六年頒大
成樂器於天下府學令州縣如式製造二十九
年黜楊雄從祀進漢董仲舒後凡遇登極皆遣
官祭告闕里永樂八年正文廟聖賢繪塑衣冠
令合古制十九年北京國子監既定其南監二
祭命祭酒行禮稱皇帝謹遣宣德三年刊定從
祀各爵位次頒行天下正統二年以宋胡安國
蔡沈真德秀從祀三年禁釋老宮不得祀孔子
以顏路曾點孔鯉孟孫激配享啟聖祠俱封公
八年追封元吳澄爲臨川郡公從祀成化二年
封漢董仲舒爲廣川伯胡安國建寧伯蔡沈崇

安伯真德秀浦城伯宏治九年封崇楊時爲將
樂伯從祀嘉靖九年允輔臣張璉議去封號易
像以木主題曰至聖先師孔子神位啟聖王爲
啟聖公改大成殿爲先師廟殿門爲廟門四配
稱復聖顏子宗聖曾子述聖子思子亞聖孟子
神位十哲以下及門弟子皆稱先賢左氏以下
稱先儒去塑像設木主罷公侯伯諸封爵申黨
卽申棧主存棧祀其公伯察秦冉顏何荀况戴
聖劉向賈逵馬融何休王肅王弼杜預十二人
俱罷祀林放蘧瑗鄭眾盧植服虔范甯鄭康成
吳澄改祀於鄉增祀者五人后蒼王通胡瑗陸
九淵歐陽修改至聖先師孔子廟爲文廟凡籩
豆樂舞之數皆更定焉其內臣進香亦罷隆慶
五年以薛瑄從祀萬厯初以羅從彥從祀十二
年以王守仁陳獻章胡居仁從祀二十三年以
宋周惇頤父輔成從祀啟聖祠在學宮左祀啟
聖公叔梁紇以先賢顏無繇曾點孔鯉孟孫激
配以宋儒周輔成程珦朱松蔡元定從祀古未
有專祀自嘉靖始從輔臣張璉等議也

清康熙五十一年以朱熹升配十哲五十五年以
范仲淹從祀雍正元年改啟聖祠爲崇聖祠追
王五代加

文廟祭品太牢一籩豆各一

詔各學建忠義孝弟祠仍建節孝祠於學宮門外二年

復以林放蘧瑗秦冉顏何鄭康成范甯從祀增

縣亶牧皮樂正子公都子萬章公孫丑諸葛亮

尹焞魏了翁黃幹陳淳何基王柏趙復金履祥

許謙陳澹羅欽順蔡清陸隴其從祀以張廸從

祀崇聖祠三年頒文廟禮樂圖籍

詳見祀典

五年

諭直省內外先師誕日齋戒乾隆二年升有若於東哲

移朱子於西哲未復以吳澄從祀六年頒先賢

先儒從祀位次均照國子監成式道光二年以

劉宗周從祀三年以湯斌從祀五年以黃道周

瓊山縣志

卷九

經政十二 釋奠

三十一

從祀六年以呂坤陸贄從祀八年以孫奇逢從

祀二十三年以文天祥從祀二十九年以謝良

佐從祀咸豐元年以李綱從祀二年以韓琦從

祀四年以公明儀從祀

明

洪武初府學額設教授一人訓導四人州學額設學正一人訓導三人縣學額設教諭一人訓導

二人

通志

二十八年奏准歲貢初試不中者遣復學停廩肄業生員限次年再試廣東限二年再試復不中

者照例充吏

通志

永樂二年令歲貢照洪武二十五年例廣東限三

月到部

全上

宏治中南京祭酒章懋奏准於常貢外行選貢之

瓊山縣志

卷九

經政十三 學制

三十三

法不分廩膳增廣生員通行精選充貢

明史選舉志

萬曆七年以海南兵備道兼管提學道其瓊州一

帶師儒考試巡察任其便宜行事

通志

明初至中學臣按臨雷州皆檄令瓊屬士子札

渡赴試雷陽蓋畏鯨波之險也萬曆七年郡人

尚書王宏誨以瓊士每遭海患特疏題請海南

兵巡兼提學事故終明之世瓊人士從未覩學

使者襜帷之駭也

清

康熙十五年始以廣東提學道巡視瓊府罷海南

兵巡兼提學

雍正九年以廣東幅員遼闊學臣巡歷難周乃分設督學兩員由是瓊府屬肇高學院考校前明進學額數無可考

順治四年定直隸各省府州縣進學額數大學四十名中學三十名小學二十名先科考後歲考十五年復定為府學二十名大學十五名中學十二名小學四五名

十八年復定科歲考併為一次

康熙七年額設教諭一人訓導一人

原訓導二人康熙三年裁

七年復設

康熙八年復定府學二十名大學十五名中學十

瓊山縣志 卷九

經政十三 學制

三

二名小學七八名而以瓊山為中學

十二年仍行科歲二試

十八年又改定科歲二試先歲考後科考

五十五年廣東各衛所各取進童生一名撥入各

府學教職督率其補廩出貢即附入府學原額

府志

雍正二年奉

上諭督撫會同學臣查明實在人文最盛之州縣題請

小學改為中學中學改為大學大學照府學額

數取錄瓊山依舊額定取錄縣學十二名送府

庠者無定數

三年覆准廣東衛所軍戶田糧俱歸併附近州縣帶徵其衛所軍童生嗣後仍歸原考之州縣考

錄申送府志

七年奉文府州縣學文武生員舊有冒籍冒姓俱撥歸本籍改復本姓

乾隆元年奉

上諭各省學臣每科歲按臨預飭該學確訪生童有誦讀

御纂諸經者開明冊報俟考較文藝之後摘取條荅能不失指者所試文稍平願童子即與入泮生員

即與廩餼

瓊山縣志

卷九

經政十三 學制 三五

十六年廣東督學復歸於一瓊州以渡海維艱歲

科兩試一時舉行通志

年復定縣學額進十五名廩生二十名增生二十名二年一貢武學額進十五名

康熙 年定為十二年選拔一人

雍正五年定為六年選拔一人

乾隆七年復定為十二年選拔一人

順治初年武生童依文童例督學三年一歲考取進無定額附文童教官管理其事宜照文童例

行無科考

九年令值省武童該督撫提鎮於本省就近副參

游山委請總騎射者一員會同監院考取

康熙十年題定武童進學府學二十名大學十五名中學十二名小學七人名而以瓊山爲中學十四題定學道考試武童不得會地方武職官四十九年奉

上諭考試武生童用論二篇第一篇出論語孟子題第二篇出孫子吳子司馬法題其鄉會試原作論一篇策二篇今亦照此例出論題二道作論二篇外作策一篇

五十二年大學士溫達等會同九卿詹事科道議覆准嗣後鄉會試准其互試

瓊山縣志

卷九

經政十三 學制

三五

乾隆七年禮部會同九卿議覆御史陳大玠奏請停止文武鄉會互試之例應如所請奉

旨依議

光緒二十七年七月十六日奉

上諭科舉爲抡才大典我朝沿用前明舊制以八股文取士名臣碩儒多出其中當時學者皆潛心經史文藻特其餘緒乃行之二百餘年流弊日深士子但祖其弋取科名之具勦襲庸濫於經史大義無所發明急宜講求實學挽回積習况近各國交通智巧日關尤貴博通中外儲爲有用之才所有各項考試不得因時變通以資造

就著自明年爲始嗣後鄉會試頭場試中國政治
史事論五篇二場試各國政治藝學策五道三場
試四書義二篇五經義一篇考官閱卷合校三場
以定去取不得偏重一場生童歲科兩考仍先試
經古一場專試中國政治史事及各國政治藝學
策論正場試四書義五經義各一篇考試試差庶
吉士散館均用論一篇策一道進士朝考論疏殿
試策問均以中國政治史事及各國政治藝學命
題以上一切考試凡四書五經義均不准用八股
文程式策論均應切實敷陳不得仍前空衍剽竊
自此降旨之後皆爭自濯磨務以四書五經爲相

瓊山縣志

卷九

經政三

學制

三

本究心經濟力戒浮靡明體達用足備器使庶副
朝廷求治作人之至意所有各試場詳試章程及
其餘各項考試未盡事宜著禮部會同政務處妥
議具奏欽此

二十七年七月十六日奉

上諭武科一途本因前明舊制相沿既久流弊滋多而所
習硬弓刀石及馬步射皆與兵事無涉旣之今日
亦無所用自應設法變通力求實際嗣後武生童
考試及武科鄉會試著卽一律永遠停止所有武
舉人武進士均令投標學習其精壯之武生及向
經應武之生童均准應募入伍俟各省編立武備

學堂後再行酌定挑選考試章程以儲人材將此
通諭知之欽此

二十七年八月初二日奉

上諭人才爲庶政之本作育人才端在修明學術三代以
來學校之隆皆以德行道義爲重故其時體用兼
備賢才衆多近日士子或空疏無用或浮薄寡實
今欲痛除此弊自非敬教勸學無由感發興起除
京師已設大學堂應行切實整頓外著將各省所
有書院於省城均改設大學堂各府廳直隸州均
設中學校各州縣均設小學校並多設蒙養學堂
其教法當以四書五經綱常大義爲主以歷代史

瓊山縣志

卷九

經政三

學制

三

鑑及中外政治藝學爲輔務使心術端正交行交
修博通時務講求實用庶幾植基立本成德達材
方副朕圖治作人之至意著各該督撫學政切實
通籌認真舉辦所有慎延師長妥定教規及學生
卒業應如何選舉鼓勵一切詳細章程著政務處
咨行各省悉心酌議會同禮部覆覈具奏將此通
諭知之欽此

二十九年十一月二十六日奉

上諭方今時事多艱興學育才實爲當務之急前經諭令
張之洞會同管學大臣將學堂章程悉心釐訂妥
議具奏茲據會奏廬陳各摺片係分縷析立法尚

屬周備著卽次第推行其有應行斟酌損益之處
仍著該學務大臣會同張之洞隨時詳核議奏至
所稱遞減科舉及將來畢業學生由督撫學政並
簡放考官考試一節使學堂科舉合爲一途係爲
士皆實學學皆實用起見著自丙午科爲始將鄉
會試中額及各省學額按照所陳逐科遞減俟各
省學堂一律辦齊確著成效再將科舉學額分別
停止以後均歸學堂考取屆時候旨遵行卽著各
該督撫趕緊督飭各府廳州縣建設學堂並善爲
勸導地方逐漸推廣無論官立民立皆當恪遵列
聖訓士之規謹守範圍端正趨向不准沾染習氣
誤入奇袤一切課程尤在認真講求毋得徒事皮
毛有名無實務期教學相長成德達材體用兼賅
以備國家任使有厚望焉將此通諭知之欽此
三十一年八月初四日奉

上諭袁世凱等奏請立停科舉以廣學校並妥籌辦法一

摺三代以前選士皆由學校而得人極盛實我中
國興賢育才之隆軌卽東西洋各國富強之效亦
無不本於學堂方今時局多艱儲才爲急朝廷以
日昌科學爲急務屢降明諭飭令各省督撫廣設
學堂俾全國之人咸趨實學以備任使用意至爲
深厚前因管學大臣等議奏當准將鄉會試中式

分二科遞減茲據該督等奏稱科舉不停民間相率觀望推廣學堂必先停科舉等語所陳不爲無見著卽自丙午科爲始所有鄉會試一律停止各省歲科考試亦卽停止其以前之舉貢生員分別量予出路及其餘各條均着照所請辦理總之學堂本因學校之制其獎勵出身亦與科學無異歷次定章原以修身讀經爲本各門科學又皆切於實用是在官紳申明宗旨聞風興起多建學堂普及教育國家旣獲樹人之益卽地方亦與有光榮經此次諭旨著學務大臣迅速頒發各種教科書以定指歸而宏造就並著責成各該督撫實力通籌嚴飭府廳州縣趕緊於城鄉各處徧設蒙小學堂慎選師資廣開民智其各認真研究隨時考察不得少行瞻徇致滋流弊務期進德修業體用兼賅以副朝廷勸學作人之至意欽此

宣統元年三月二十六日奉

上諭學部奏酌量變通初等小學堂章程并原有小學簡易科酌擬兩類辦法以期學徒日多教育漸臻普及繕單呈覽一摺所奏尚屬切實易行著各省督撫督率提學使無論官學私塾均當遵照此序定章分別地方情形切實舉辦並隨時派員認真考核嗣後辦學官紳如再有因循欺飾不遵章程者

卽由學部查明嚴行參處務期學校日興民智日
啟以仰副朝廷敷教牖民之至意餘依議欽此
直督袁等奏請立停科舉推廣學校摺竊惟科舉之
弊古今人言之綦詳而科舉之阻礙學堂妨誤人
才臣世凱臣之洞等亦迭經奏陳久在聖明昭鑒
之中無煩縷述以瀆宸聽是以前奉諭旨遞減科
舉中額期以三科減盡十年之後取士概歸學堂
固已明示天下以作新之基而徐俟夫時機之至
所以爲興學培才計者用意至爲深遠臣等默觀
大局熟察時趨覺現在危迫情形更甚曩日竭力
振作實同一刻千金而科舉一日不停士人皆有

瓊山縣志

卷九

經政十三

學制

聖

僥倖得第之心以分其砥礪實修之志民間更相
率觀望私立學堂者絕少又斷非公家財力所能
普及學堂決無大興之望就目前而論縱使科舉
立停學堂偏設亦必須十數年後人才始盛如再
遲至十年甫停科舉學堂有遷延之勢人才非急
切可成又必須二十餘年後始得多士之用強鄰
環伺詎能我待近數年來各國盼我維新勸我變
法每疑我拘牽舊習譏我首鼠兩端羣懷不信之
心未改輕侮之意轉瞬日俄和議一定中國大局
益危斯時必有殊常之舉動方足化羣疑而消積
侮科舉夙爲外人詬病學堂最爲新政大端一旦

毅然決然舍其舊而新是謀則風聲所樹視聽一
傾羣且刮目相看推誠相與而中國士子之望學
外洋者亦知進身之路歸重學堂一途益將勵志
潛修不爲邪說浮言所惑顯收有用之才俊隱戢
不虞之詭謀所關甚宏收效甚鉅且設立學堂者
並非專爲儲才乃以開通民智爲主使人人獲有
普及之教育具有普通之智能上知效忠爲國下
得自謀其生也其才高者固足以佐治理次者亦
不失爲合格之國民兵農工商各完其義務而分
任其事業婦人孺子亦不使逸處而興教於家庭
無地無學無人不學以此致富奚不富以此圖強

瓊山縣志

卷九

經政十三

學制

聖

奚不強故不獨普之勝法日之勝俄識者皆歸其
功於小學校教師卽其他文明之邦強盛之原亦
孰不基於學校而我國獨相形見絀者則以科舉
不停學校不廣士心旣莫能堅定民智復無由大
開求其進化日新也難矣故欲補救時艱必自推
廣學校始而欲推廣學校必自先停科舉始擬請
宸衷獨斷雷厲風行立沛綸音停罷科舉庶幾廣
學育才化民成俗內定國是外服強鄰轉危爲安
胥基於此雖然科舉停矣尚有切要之辦法數端
而學堂乃可相維於不做一在尊經學也或慮科
舉一停將至荒經不知習舉業者未必甚湛深經

術但因科場題目所在不得不記誦經文又因詞章敷佐之需不得不掇拾經字故自四書五經而外他經多東置不觀卽五經亦不皆全讀讀者亦不能盡解是何與於傳經今學堂奏定章程首以經學根柢爲重小學中學均限定讀經講經溫經暑刻不准減少計中學畢業共需讀過十經並通大義而大學堂通儒院更設有經學專科餘如史學文學理學諸門凡舊學所有者皆包括無遺且較爲詳備蓋於保存國粹尤爲兢兢所慮辦學之人喜新厭故不知尊經則雖諸生備讀各種科學亦謹造成一汎濫無本之人才何濟於用應請飭

瓊山縣志

卷九

經政十三

學制

四三

下各省撫督學政責成辦理學務人員注意經學暨國文國史則舊學非但不虞荒廢抑且日見昌明一在於崇品行也查科場試士但憑文字之短長不問人品之賢否是以暗中摸索最足爲世誦譏今學堂定章於各科學外另立品行一門用積分法與各門科學一體考該同記分數共分言語容止行體作事交際出游六項隨處稽察第其等差至考試時亦以該生平日品行分數併計合算亟應申明定章請飭各省認真遵辦則人人可期達材成德自不至於越矩偃規一師範宜速造就也各省學堂之不多患不在無款無地而在無師

應請旨切飭各省多派中學已通之士出洋就學分習速成師範及完全師範兩種尤以多派舉貢生員爲善並於各省會多設師範傳習所師資既富學自易興此爲辦學入手第一要義不可稍涉遲緩一未畢業之學生暫勿率取也各省設立學堂遲早不一程度不齊或卒業有期或畢課尚早若不待畢業驟加考試則苟且速化弊將日滋若必待全行畢業則各省之辦學較遲者必至缺其選舉士林又將失望今籌一通融辦法既不同科舉之敷衍故事亦不向學堂而遷就濫登要使取士仍歸學堂之中學堂不蹈科舉之弊擬請此數

年內除學堂實係畢業者屆期奏請考試外其餘則專取已經畢業之簡易科師範生予以舉人進士出身既可以勸教育之員擴興學之基並隱以勵績學而杜倖進外國無速成小中高等各學而有速成師範學具有深意至五年以後完全師範生畢業者已多更足以應選舉而有餘此等師範生類皆國文已優學術純謹斷無流弊且多係舉貢生員爲之本可以得科第之人亦非僥倖迨十年以後各省學堂逐漸畢業人才濟濟更不可窮於用一舊學應舉之寒儒宜籌出路也文士失職生計頓蹙除年壯才敏者入師範學堂外其不能

爲師範生者賢而安分則困窮可憫不肖而無賴
或主爲非生事亦甚可憂擬請十年三科之內各
省優貢照舊舉行已酉科拔貢亦照舊辦理皆仍
於舊學生員中考取其已入學堂者照章不准應
考惟優貢之額過少擬請按省分之大小酌量增
加分別錄取朝考後用爲京官知縣等項三科後
卽行請旨停止其已中舉人五貢者此三科內擬
令各省督撫學政每三年一次保送舉貢若干名
略照會試中額加兩三倍送京考試凡算學地理
財政兵事交涉鐵路礦務警察外國政法等事但
有一長皆可保送俟考試時分別去取試以經義

史論一場專門學一場共兩場其取定者酌量用
爲主事中書學正知縣等官如此則鄉試雖停而
生員可以得優拔貢會試雖停而舉貢可以考官
職正科舉之名專歸於急需之學堂廣登進之途
藉恤夫舊學之寒士庶乎平允易行各得其所少
長同臻於有用新舊遞嬗於無形矣以上五條皆
停科舉後最爲切要之端而行之可期無弊應請
一併飭下各省督撫學政切實遵辦至各省學堂
未辦者宜從速提倡已辦者宜極力擴充以及各
堂學生之良莠與夫辦理學務人員之功過均應
隨時認真考察分別勸懲亦皆各省督撫學政所

不得稍辭其貴者也其一切學堂畢業考試暨簡放考官等事自應悉遵奏定章程辦理臣等爲補救時艱妥籌辦法起見往復商確意見相同是否有當謹合詞恭摺具陳謹奏

學部咨覆禮部考試優拔及保送舉貢並分別學生與考文 光緒三十四年某月某日

准禮部片開光緒三十一年八月升任直隸總督袁世凱等奏請停科舉摺內聲明舊學應舉之寒儒宜籌出路擬請十年三科之內各省優貢照舊舉行已酉科拔貢亦照舊辦理皆仍於舊學生員中取其已入學堂者照章不准應考

又三十二年二月政務處奏准章程內開擬請已酉科舉行拔貢照向額加倍考取本年丙午卽係考取優貢之年以後每三年舉行一次各省均照例額加四倍考取以惠寒畯均於壬子年一律停止學堂學生仍照原奏不准與考又三十三年十月准雲貴總督咨稱查學部官報第四期文牘載有本部咨政務處擬如閩督所請速成簡易各生一律考試優拔辦理持平是速成法政畢業生員與簡易師範畢業生員例得考試優拔又查滇省上年保送舉貢赴京考試既有游學日本速成師範畢業之舉人又有

曾入法政學堂尚未畢業之舉貢等是曾學法
政之舉貢例得與曾學速成簡易各師範之舉
貢同膺保送擬請此後已酉壬子兩屆保送舉
貢及錄取優拔職員遇有法政講習科畢業之
舉貢生員或法政別科畢業之舉貢生員必儘
先保送儘先取錄通省舉貢生員必有聞風興
起爭入法政講習科及別科者爲此分咨學部
禮部立案示覆各等因前來查例開拔貢每十
二年一舉行由國子監題請旨下行各省學政
考選等語現在國子監歸併貴部並由貴部會
同本部奏明劃定考試界限舊學舉貢生員應

歸本部辦理明年已酉各省應考選優拔由本
部先期具奏旨下行知各省督撫轉飭提學使
考選除由學堂出身之廩增附生及舊學廩增
附生已由學堂得有獎敘者均照章不准考試
外查法政學堂之設立係在奏定章程以後凡
入講習科及別科者畢業後均未定有獎勵應
否與法政速成科師範簡易科畢業生均准其
考試優拔及保送舉貢既已分咨貴部希卽酌
核賜覆此外凡何項學堂人員准其與考應一
併詳細查明聲覆過部以憑辦理等因查法政
學堂別科三年畢業法政講習科畢業年限多

至一年半而止現在本部正擬另定別科講習
科獎勵章程應俟具奏奉旨後再行知照禮部
核辦至師範簡易科約分二種一爲二年以上
之簡易科一爲不足二年之簡易科查二年以
上之簡易科最優等優等定有獎勵專章且有
義務年限亦難准其與考惟中等以下以及不
足二年者均未定有獎勵專章自應與速成科
學生一律辦理准其考試至各項學堂畢業考
列下等者除中學堂下等仍給予優廩生得有
獎勵外其餘各項學堂有係舊日舉貢生員在
本學堂考列下等並未得有獎勵且實係未升
入程度較高學堂肄業者應准其一律與考以
昭公允相應咨行貴部查照辦理可也
案廢科舉興學校奏諭最多擇其要者錄之

學田

- 一 臨高縣土名南定武營群大田十丁稅一項六
十畝零四分五厘四毫四絲三忽四微雍正十
年詳撥交內壇禮生經管每年完地丁銀一兩
六錢四分批解學院租銀一兩二錢六分
- 一本縣土名烈樓大來田一十稅二十畝零五分
二厘四毫六絲九忽六微每年完地丁銀一錢
五分木色民米五升批解學院租銀九錢

一本縣土名南昌田一丁稅二十畝零九厘一毫
九絲六忽六微每年完地丁銀六錢五分四厘
本色民米二斗一升二合批解學院租銀三錢

以上田二丁雍正十年
詳撥交外壇禮生經管

一澄邁縣土名羅贊田四丁稅三十六畝六分零

四毫一絲九忽四微每年完地丁銀五錢八分

六厘雜稅銀四分本色民米一斗零三合批解

學院租銀一兩五錢

明隆慶元年副使陳復昇
給送入學康熙二十四年
六月被颶風雷雨水冲嶺崩陷埋田二十畝零
三分二厘存田一十六畝三分零四毫一絲六
忽生員陳帝訓經呈府縣錢糧彙荒
免徵其學租仍照額納解未奉詔減

一定安縣土名南立田一十丁半稅三十六畝六

瓊山縣志 卷九

經政十三 學田

四九

分零四毫每年完地丁銀五錢四分七厘本色

民米一斗三升四合批解學院租銀一兩二錢

尚稅九十三畝二分六厘六毫二絲五忽該租
銀三兩六錢報荒免徵今擬開墾康熙四十五
年定安武生邱千乘弟自墩坡占耕此田教諭
關必登遣生員鄒宗泗往查邱乃具呈退還移
明定安

縣存案

一定安縣土名榕木田三十二丁稅三頃四十六

畝五分每年完地丁銀三兩二錢八分六厘本

色民米一石二斗四升三合椰稅銀一錢二分

八厘批解學院租銀四兩八錢四分

明崇禎年
間生員朱
日耀承管十二年有府學貢生張其美呈按院
李乞准承管養老後朱象源承管二十四丁
儀才王鴻烈康熙二十年教諭盧啟運訓導黎

暉吉奉文查墾學田乃著朱象源親往查勘始知張子善盜賣通學生員公積聯呈道府訊審斷復原田三十四丁經詳提學陳肇昌干覺世存案朱象源另立學椿稅在定安縣思河曲二十甲外康熙二十四年墾復二十八年徵租起解

一本縣郡城內東坡井菜田十六坵并塘一口共

稅五畝六分批解學院租銀二兩八錢以上俱府志

以上共田五十六丁半又菜田一十六坵通共

田六頃二十六畝三分七厘九毫二絲九忽四微

原額學田七頃七十八畝二分七厘三毫九絲五

忽除原報荒田五頃一十八畝四分八厘六毫

六絲二忽缺租銀一十兩零八錢九分康熙九

年墾復田二十畝零九厘一毫九絲六忽六微

瓊山縣志 卷九

經政十三 學田

租銀三錢康熙十二年分起徵又康熙二十五

年墾復田三頃四十六畝五分租銀四兩八錢

四分康熙二十八年分起徵

實在田連墾復共稅二頃七十九畝八分七厘九

毫二絲九忽除納在縣正賦外通計每畝徵租銀二分

八厘四毫四絲零八微共徵租銀七兩九錢六

分又墾復田三頃四十六畝五分租銀四兩八

錢四分通共實徵租銀一十二兩八錢每年解

府投納轉解學院賑給貧生俱阮通志